



"Uzvišeni Allah zadužio je meleka za maternicu, koji kazuje: 'Gospodaru, kap sjemena! Gospodaru, ugrušak! Gospodaru, gruda mesa!' A kada Allah htjedne da završi njeno stvaranje, melek upita: 'Gospodaru, je li muško ili žensko? Sretan ili nesretan? Šta mu je opskrba, a šta životni vijek?' I sve mu to zapiše u majčinoj utrobi."

Enes b. Malik, r.a., prenosi da je Vjerovjesnik, s.a.v.s., rekao: "Uzvišeni Allah zadužio je meleka za maternicu, koji kazuje: 'Gospodaru, kap sjemena! Gospodaru, ugrušak! Gospodaru, gruda mesa!' A kada Allah htjedne da završi njeno stvaranje, melek upita: 'Gospodaru, je li muško ili žensko? Sretan ili nesretan? Šta mu je opskrba, a šta životni vijek?' I sve mu to zapiše u majčinoj utrobi."

[Vjerodostojan] [Muttefekun alejh]

Vjerovjesnik, s.a.v.s., kazuje: "Uzvišeni Allah zadužio je meleka za maternicu", odnosno postavio je meleka koji je zadužen samo za pitanje maternice, a to je mjesto u kojem se razvija dijete. Taj melek rekne: "Gospodaru, kap sjemena! Gospodaru, ugrušak! Gospodaru, gruda mesa!" Sjeme je tečnost od kojeg nastaje dijete, ugrušak je gušća krv, a gruda mesa je komadić mesa. U drugoj predaji objašnjava se da je svaka od ovih faza traje četrdeset dana. "A kada Allah htjedne da završi njeno stvaranje...", tj. grude mesa, jer to je zadnja faza, a sa završetkom njegovog stvaranja misli se na nastavak stvaranja i udahnjivanje duše, kako se to pojašnjava u drugoj predaji, i to nakon 120 dana. Melek upita: "Gospodaru, je li muško ili žensko?", tj. koji će spol biti, pa da upišem. "Sretan ili nesretan?", odnosno da li je nesretnik, jedan od onih koji će u vatru, pa da tako zapišem, ili je sretnik, koji će biti u džennetu, pa da tako zapišem? "Šta mu je opskrba", odnosno da li je mala ili velika. "...a šta životni vijek?", odnosno koliko će mu trajati život. "I sve mu to zapiše u majčinoj utrobi."

النّجّات الخيريّة
ALNAJAT CHARITY

